

Акафист иконе Пресвятой Богородицы Августовская

Кондак 1:

Взбранной Воеводе победительная, яко избавльшая от гибели в лесу
Августовском Христолюбивое воинство русское,
благодарственно взываем Ти: яко имущая державу непобедимую, от всяких
нас бед свободы, зовущих:

Радуйся, Матерь Божия «Августовская Победа», верным в бранях
помогающая.

Икос 1:

Яко в лета древние, тако и ныне Христианам помощница и
защитница явилася еси, Пресвятая Дева, не остави и нас, взывающих Ти:

Радуйся, в бранях с супостатами помогающая;

Радуйся, Крестным знаменем врагов наших устрашающая;

Радуйся, Царица Небесная, на земли воинствующим помощница скорая;

Радуйся, в видении русским воинам явившаяся;

Радуйся, воинств чуждых сокрушение;

Радуйся, русских сил умножение;

Радуйся, Матерь Божия «Августовская Победа», верным в бранях
помогающая.

Кондак 2:

Во дни лютой брани с полчищами германскими, поднявшимися от западных
предел славянское знамя растоптать, корону русскую сокрушить и народы
Православные поработить, явилась в ночном небе в лесу Августовском
русским ратникам Царица Небесная, на ополчение против иноверных
призывающая. Мы же, чудное знамение сие прославляющие, к чудес
подателю Богу взываем: Аллилуиа.

Икос 2:

В звездном небе, яко яркая звезда воссияла еси, Пресвятая Дева,

русским воинам в сиянии Креста явившаяся и на запад путь им указавшая, и
в сердца их мужество вселившая.

Мы же, милости Твоей дивящиеся, в умилении сердец наших взываем:

Радуйся, страну Российскую, яко Дом Свой, святыми иконами дивно
украшающая;

Радуйся, образами Своими вся пределы Российские чудесно защищающая;

Радуйся, в Доме Своем людям чуждым владычествовать возбраняющая;

Радуйся, Сына Твоего о нас молящая;

Радуйся, яко звезда в нощи греховной блуждающим сияющая;

Радуйся, яко гром врагов устрашающая.

Радуйся, Матерь Божия «Августовская Победа», верным в бранях
помогающая.

Кондак 3:

Яко пресветлая звезда воссиял в нощи скорбей Твой дивный образ,
Богородица. И люди русские, видение сие зрящие, в благоговении колена
своя преклоняют и крестное знамение творят, и к Богу взывают: Аллилуиа.

Икос 3:

Радость и ликование объяли сердца русских воинов, когда узрели в небе
Царицу Небесную с Богомладенцем Христом, десницею Своею им путь на
запад указующую и к битве с супостатом призывающую. Мы же, колена
сердец своих преклоньше, радостно Тебе поем:

Радуйся, окруженных врагами от плена свободящая;

Радуйся, страждущих от неисцельных ран исцеляющая;

Радуйся, отчаявшимся надежду подающая; радуйся, за Отечество павших
венцами нетленными венчающая;

Радуйся, в скорбях нас утешающая;

Радуйся, молитвам нашим внимлющая.

Радуйся, Матерь Божия «Августовская Победа», верным в бранях
помогающая.

Кондак 4:

Ангелы на небесах удивились, видя мужество людей русских в Августовском лесу на поле брани малым числом победу над полчищами неприятельскими одержавших. Русские же ратники не себе, но Царице Небесной славу воздают, и в радости Богу поют: Аллилуиа.

Икос 4:

Яко Гедеон, предводитель воинства Израильского, малым числом победу над врагами одержал, дабы не себе, но Богу воздали славу сыны иудейские, тако и ныне Новый Израиль в Августовском лесу малым числом неисчислимые полчища германские поборо, врагов вспять обратил, землю Польскую своей победою изумил, Царице Небесной победно воспевающе:

Радуйся, врагов наших вспять обращающая;

Радуйся, воинству русскому победу дающая;

Радуйся, пред Престолом Божиим за нас ходатайствующая;

Радуйся, побежденных милующая;

Радуйся, вражию гордыню сокрушающая;

Радуйся, победами людей Своих прославляющая;

Радуйся, Мать Божия «Августовская Победа», верным в бранях помогающая.

Кондак 5:

И в наши дни по молитвам матерей и жен пред Пречистым образом Твоим, «Августовская победа» именуемым, русским воинам во бранях помощь подаешь, от агарянского пленения избавляешь, Мати Света. В далекой Сибири материнскую молитву пред иконою Твоей услышавшая, и сына ее в Кавказских горах дивным явлением Своим от внезапной смерти защитившая, и этим чудом икону «Августовская победа» вновь прославившая, ныне и нас призываешь сей образ прославлять и к Богу взывать: Аллилуия.

Икос 5:

Яко на крыльях голубиных долетела весть о победе Августовской до Благоверного Православного Государя Николая Александровича и до Святителя Московского Макария. Они же победе той возрадовались, Богу

славу воздали, Царицу Небесную возблагодарили. И повелели по всей Державе Российской иконы о сем явлении писать. Ныне же и мы на те иконы взирающе Царице Небесной поем:

Радуйся, Державы Русской охранительница;

Радуйся, Православных Государей покровительница;

Радуйся, народа русского заступница и утешительница;

Радуйся, в дни лихолетий и смут страны нашей правительница;

Радуйся, в дни браней за Святую Русь воительница;

Радуйся, рубежей наших защитница.

Радуйся, Матерь Божия «Августовская Победа», верным в бранях помогающая.

Кондак 6:

Не только в битве Августовской, но и во все времена русским воинам незримую помощь даровала еси, Богородице. Мы же Твои неисчетные милости к нам воспоминающе, Богу победную песнь поем: Аллилуиа.

Икос 6:

Во дни испытаний и смут, нашествия иноплеменных и междоусобных браней к Тебе, Пречистая Дева, взываем мы и поем:

Радуйся, от конечного разорения татарского землю русскую избавившая;

Радуйся, у стен осажденных градов наших русским воинам являвшаяся и на бой их поднимавшая;

Радуйся, во время Смуты русскому ополчению незримую помощь Свыше даровавшая;

Радуйся, двенадцать язык от пределов Российских отгнавшая;

Радуйся, над Царицын-градом во второе германское нашествие в небе победно явившаяся;

Радуйся, междоусобную брань в русской столице дивно прекратившая;

Радуйся, Матерь Божия «Августовская Победа», верным в бранях помогающая.

Кондак 7:

В сердце земли Русской – Первопрестольной столице – в Храме Христа Спасителя Твоя икона Августовская Победа просияла еси, Богородице, мы же на тот образ Твой молящися, Богу победно поем: Аллилуиа.

Икос 7:

Во дни же бед, поражений и смут, егда чуждые восставали на нас, глаголя: «Святой Руси более не быти», – Ты даровала нам Образ Свой святой, Августовской Победой именуемый, мы же на тот образ молящися, благодарственно взываем Ти:

Радуйся, Русь уделом Своим избравшая;

Радуйся, в дивном Дивеево последний Свой удел основавшая;

Радуйся, мощи Святого Серафима в Уделе Своем всему миру явившая;

Радуйся, всех верных на последнюю брань собирающая;

Радуйся, воинству русскому незримо предводительствующая;

Радуйся, Ангелов воинства в помощь нам посылающая;

Радуйся, Матерь Божия «Августовская Победа», верным в бранях помогающая.

Кондак 8:

Спал с неба прегордый Денница, егда Архистратиг славы Божией Михаил в Поднебесной под знамя свое Ангелов воинство необозримое собрал. Тако и ныне Христолюбивое воинство Православное под водительством Владычицы Богородицы на земли ту брань с полками тьмы ведет дабы и на земли, яко на небеси, Богу победно взывать: Аллилуиа.

Икос 8:

Явилась в небе в лесу Августовском Царица Небесная, дабы русских воинов укрепить, их руками победу совершить, мы же Августовскую победу воспоминающе, к Тебе умильно глаголем:

Радуйся, без нашей воли нас не защищающая;

Радуйся, нашими руками победы творящая;

Радуйся, верным Своим в видениях и сониях являющаяся;

Радуйся, роду русскому помогающая;

Радуйся, избранным священством и народом святым его именующая;

Радуйся, в день вынужденного отречения Государя скипетр и державу из его
рук приявшая;

Радуйся, Матерь Божия «Августовская Победа», верным в бранях
помогающая.

Кондак 9:

Звезды небесные в изумлении и трепете расступились, когда Ты, Богородица,
яко дивное знамение в ночном небе русским воинам явилась и души их
ободрила еси, устами, умом и сердцем к Творцу Небес и земли взывающим:
Аллилуиа.

Икос 9:

Яви милость Твою нам в ночи скорбей, яко Пресветлая Звезда, разгоняющая
мглу ночную, Царица Небесная и Мати Света! Вдохни в сердце верных
Твоих упование на Сына Твоего Христа Бога нашего и научи нас среди
скорбей и бед, яко среди тьмы ночной, пети Тебе радостно:

Радуйся, в яслех Вифлеемских ночью Сына Божия пеленами повившая;

Радуйся, пастухами и волхвами в Вифлееме ночью радостно сретенная;

Радуйся, землю языческую, яко тьму египетскую, сиянием Сына Своего
осветившая;

Радуйся, и в затмении солнца Сына Своего на Кресте распята не оставившая,
окровавленные ноги Его слезами омывшая;

Радуйся, власть тьмы и ночь скорбей преодолевшая, Воскресшего Сына
утром сретившая;

Радуйся, русским воинам в ночи явившаяся и небо сиянием Креста
озарившая;

Радуйся, Матерь Божия «Августовская Победа», верным в бранях
помогающая.

Кондак 10:

В ночь перед битвой русским воинам явила милость Свою, Богородице, благословение на брань с врагами отечества нашего с Небес пославшая и тем победу предвозвестившая. Мы же, чудо великое прославляюще, Богу победную песнь поем: Аллилуия.

Икос 10:

Витии многовещанные недоумеют и не могут изъяснить сие неизреченное видение Богородицы

и как русские воины малым числом полчища германские побороли и подвигом своим ход великой войны изменили;

мы же, ту победу прославляюще, Владычице нашей Богородице славу поем:

Радуйся, Апостола Иоанна Богослова у Креста Господня усыновившая;

Радуйся, в его лице весь род Христианский под Свой Материнский покров приявшая;

Радуйся, народ русский из всех народов избравшая;

Радуйся, от купели днепровской ему крестной Матерью ставшая;

Радуйся, прегрешения наши Своей материнской любовью покрывающая;

Радуйся, Владычица Державная, страну нашу от лютых бед и напастей защищающая;

Радуйся, Мать Божия «Августовская Победа», верным в бранях помогающая.

Кондак 11:

Плач и стенания воцарились в стране нашей, поруганы слава и честь воинства Православного, забыли русские люди Твою икону Августовская Победа и лишь малый остаток верных память о сем видении сохранил, но Ты, Царица Небесная, Сама о той славной победе нам напоминаешь и на брань за землю Русскую людей Своих призываешь, в сердца наши надежду и мужество вселяешь и призываешь нас едиными усты и единым сердцем Богу победно петь: Аллилуиа.

Икос 11:

«Сим победиши» – взывают Небо и звезды к Царю Константину, над нечестивым Максентием победу одержавшему и знамение Креста на оружии

латников своих изобразившему, яко сила Креста Животворящего все побеждает и полчища вражеские сокрушает. Ты же, Царица Богородица, о силе Креста нам напоминаешь, когда в небе со знаменем Креста нам являешься. Мы же, Крестное знамение на чело свое налагающе, Тебе поем:

Радуйся, Крестной силой Божией вражью силу побеждающая;

Радуйся, язвою бесов не напрасно именуемая;

Радуйся, на иконе Своей на брань чудесно поспешающая;

Радуйся, воинству Православному Покров Свой дарующая;

Радуйся, монашеству в несении скорбей незримо помогающая;

Радуйся, Крестоносный народ русский воедино собирающая;

Радуйся, Мать Божия «Августовская Победа», верным в бранях помогающая.

Кондак 12:

Не на земли только, но и в Небесном Иерусалиме Царь-Мученик Николай и Святитель Московский Макарий икону «Августовская победа» ныне прославляют, и с ними все воины русские, в Августовском лесу жизни свои за Отечество положившие и тем нетленных венцов сподобившиеся, Богу поют: Аллилуиа.

Икос 12:

Во дни духовной брани Царица Небесная иконою Своею «Августовская Победа» уже не малое войско только, но весь народ наш на битву за Веру и Отечество поднимает, в малодушные сердца наши мужество вселяет, мы же сей призыв услышавши, благодарственно поем:

Радуйся, Нерушимая Стено, землю нашу ограждающая;

Радуйся, Взыскание погибших, грешных к покаянию зовущая;

Радуйся, Нечаянную Радость нам дающая;

Радуйся, Неупиваемая Чаше благодати Божией;

Радуйся, Неувядаемый Цвете, семьи наши укрепляющая; Радуйся, Скорбящих Радосте, силу немощным дающая;

Радуйся, Матерь Божия «Августовская Победа», верным в бранях
помогающая.

Кондак 13:

О, Владычице Богородице, Августовскою Победой нарекаяся во святой
иконе Твоей, Богородице Марие! Приими милостиво сие малое моление
наше и умоли Сына Твоего Господа Иисуса Христа помиловать землю
Русскую и избавить от нашествия иноплемennых и от безбожных власти, нас
же да сподобит во Царствии Небесном со всеми русскими воинами на поле
брани убиенными и со всеми святыми Богу петь: Аллилуиа.

Этот кондак читается трижды, далее читаются икос 1 и кондак 1.

Молитва Августовской иконе Божией Матери!

О Пресвятая Владычице Богородице Царице Небесе и земли, страны наша и
воинства православнаго всемогущая Заступнице! Воспомяюще Твое чудное
и спасительное, под градом Августовом на брани с германцы, явление на
воздухе русским воином, в скорби и тяжких обстояниях пребывавшим, всю
землю Российскую удивившее, благодарим Тя Взбранная Воеводо, о
неисчислимых Твоих чудесных заступничествах, древле и в последняя лета
отцем нашим во дни нашествий орд иноплемennых бывших. Смирненно
молим Тя пред пречистым образом Твоим: сохрани град сей (или: весь сию,
или: святую обитель сию), и предстоящая рабы Твоя, и всю землю Русскую
от вражескаго обстояния, мора, глада, губительства, труса, потопа, огня,
меча, нашествия иноплемennых и междоусобных брани. Спаси и сохрани,
Владычице, под кровом милости Твоея святую Церковь Православную,
укрепи воинство христоролюбивое, и всем православным христианом яви Твое
заступление. Низпосли святое Твое благословение защитником Отечества
нашего, всем же с верою и любовью к чудному образу Твоему припадающим
в трудных и опасных обстояниях обретающимся, незримую помощь и
вразумление с Небесе низпосли, от искушений, соблазнов и погибели спаси
от всех враг видимых и невидимых защити и сохрани. Под покров
милосердия Твоего прибегаем, Пресвятая Дево: молитв наших не отрини во
обстояниях, но от всякаго зла и напасти избави нас, едина Чистая и
Благословенная. Аминь.

иная молитва.

О Пресвятая Владычице Богородице! Ты всю землю Русскую, яко Дом Свой,
святыми иконами дивно украшаеши и сими образами Своими рубежи
Отечества нашего чудесно ограждаеши. Посылаеши воинству Русскому от
Престола Господа Славы Небесную помощь отражати врага и супостата и
всех восстающих на нас полагаеши подножие ног наших. Ты некогда
грозным явлением Своим от пределов Московских полчища агарянские в
бегство обратившая; даровавшая Христоролюбивому воинству Русскому
одоление двенадцати язык; Ты дивным явлением Своея славы в

Августовском лесу сынам Отечества нашего скорую победу предвозвестившая, — тако и ныне воспламени сердца людей Твоих духом мужества и жертвенной любви к земному Отечеству, дабы стяжать нам Отечество Небесное. Помоги, Владычице Богородице, и в сей брани с врагами видимыми и невидимыми и даруй нам Свое заступление. Сохрани Дом Твой — Державу Российскую — до скончания века в мире, целостности и благоденствии. Да будет воинство Русское под сению Креста Христова несокрушимым для всех борющихся нас. И да не скажут иноплеменницы, видя разор и поругание земли Российския, не имут бо люди сии Божественного заступления, зане дом сей пуст есть. Но да буди нам Возбранною Воеводою, дарующей победу над иноплеменными. Ибо никто не расхитит дом сильного, да не прежде свяжет сильного сильнейший его. Но Ты, Царица Небеси и земли, язвою бесов и Непобедимою Победой именуемая, буди Дому Своему щит и ограждение. И яви нам знамение Своя милости предстательством святых благоверных князей Александра Невского и Димитрия Донского, святых страстотерпцев Бориса и Глеба, святых Царственных Мучеников Дома Романовых и всех Новомучеников и Исповедников Российских, и яко во время оно явилась в небе знамением скорой победы воинству Православному, тако и ныне приди на помощь людям Твоим и помоги одолеть тьмочисленных врагов наших. Да будет милость Твоя на нас, яко же уповахом на Тя. Аминь.